

## La ricchezza dell'Istria

Se ti vadi sui monti  
se ti vadi sul mar,  
l'Istria te ga sempre  
qualcosa de dar.  
Se ti pasi del sior Tonin  
el te ofri subito un bon bicier de vin.  
Suo vixin Toio  
el te regala un litro de oio,  
a la siora Albina  
la te darà un bon pan che la ga fato stamatina.  
Ma no xe miga questo tuto,  
se ti capiti ben ti te bechi anche un do fete de parsuto.  
Ogni paese ga porchi, piegore, armente e musì,  
senza de lori più grave fusi.  
Xe anche pien de gati  
talmente tanti che i fa vegnir tuti mati.  
Ma el più importante xe el can Fufi  
Che el porta soldini con tanti tartufi.  
El sior Ezio con la sua barca sul mar  
ogni matina el va pescar.  
Pesci, musoli e capesante  
In Istria de robe bone ghe ne xe proprio tante.  
L'Istria xe come un quadro perfeto  
mar, montisei, boschi e a ogni passo un vigneto.  
L'Istria xe come la felicità  
la te fa star ben a ogni età.  
La nostra ricchezza xe in tei nostri cuori  
dove custodimo i nostri valori.

Per questo in Istria semo tuti amici  
no lasemo che vadi perse le nostre radici.  
La gente xe sai brava e onesta  
i lavora tanto ma i sa far anche festa.  
Del Istroveneto, per esempio, gavemo el festival  
e xe un evento che merita e che val.  
Per questo adesso buto zo qualche verso  
che el nostro patrimonio no el vadi perso.  
De tute le richeze questa xe soto ogni teto  
el nostro passato, presente e futuro el nostro bellissimo dialeto!